

Kementerian kewangan focus pemulihan negara

# Kementerian Kewangan fokus pemulihan negara

Tiada sebarang perkara disembunyikan, pelbagai strategi dilaksana untuk pulih ekonomi

Jlel Mohd Iskandar Ibrahim  
nohd\_iskandar@bh.com.my

**Kuala Lumpur:** Fokus utama Kementerian Kewangan (MOF) adalah untuk memacu pemulihan negara supaya rakyat dapat kembali hidup dengan selesa selepas kesan akibat penularan pandemik COVID-19.

Menterinya, Tengku Datuk Seri Zafrul Tengku Abdul Aziz, menegaskan MOF tidak menyembunyikan sebarang perkara sebaliknya berusaha melaksanakan pelbagai strategi bagi memacu pemulihan negara melalui dua tonggak utama iaitu Jaminan Kerja dan SemarakNiaga seperti dibentangkan dalam Bajet 2022.

"Umum mengetahui keadaan ekonomi negara buat masa ini, terutama selepas kesan negatif yang dibawa oleh COVID-19.

"Namun seperti yang saya sebut, fokus utama kita sekarang adalah untuk memacu pemulihan negara agar rakyat dapat kembali hidup dengan selesa.

"Menjana pekerjaan, membantu perniagaan adalah antara banyak stra-

tegi yang kita rancang untuk memacu pemulihan ini," katanya menerusi perkongsian di Facebook, semalam.

Beliau mengulas kenyataan bekas Perdana Menteri, Tan Sri Muhyiddin Yassin baru-baru ini yang tidak menolak kemungkinan untuk mendedahkan kedudukan kewangan negara didakwa tidak semolek seperti digambarkan.

Pengerusi Majlis Pemulihan Negara (MPN) itu turut mengaitkan nama Zafrul yang didakwa menyerahkan laporan berkenaan kepada beliau.

Mengulas lanjut, Zafrul berkata, ia adalah laporan yang diberikan kepada sekretariat MPN seperti laporan lain yang diberikan kepada anggota Kabinet ti-

dak kira daripada mana-mana parti.

"Sebagai Pengerusi MPN, beliau memerlukan laporan terperinci untuk mengambil keputusan yang tepat dalam membantu Perdana Menteri membawa Malaysia ke arah pemulihan pasca COVID-19.

"Malah, fakta ekonomi yang ada dalam laporan itu merupakan fakta yang saya sebut berulang kali kepada Kabinet dan sesiapa sahaja orang awam.

"Saya tidak pernah sorok, baik melalui kenyataan media, ulasan saya pada forum, jawapan Parlimen serta laporan agensi seperti Bank Negara, Jabatan Statistik dan sebagainya," katanya.

Beliau berkata, pihaknya juga sudah menjelaskan mengenai Akta Tanggungjawab Fiskal, untuk mengelakkan isu seperti (IMDR), Projek Suria Synergy Energy Resources Sdn Bhd (SSER) dan sebagainya daripada berlaku lagi.

Justeru, beliau berharap semua pihak dapat memberi komitmen kepada pemulihan ekonomi untuk rakyat kerana negara kini berada di landasan tepat yang mana aktiviti ekonomi dari segi perspektif makro, perniagaan atau individu sedang beransur pulih berdasarkan indikator seperti pasaran kerja dan sebagainya.

"Saya yakin kita dapat pulih mengikut perancangan dan menjana ekonomi, sekali gus terus membawa keyakinan pelabur untuk datang ke Malaysia," katanya.

"Seperti yang saya sebut, fokus utama kita sekarang adalah untuk memacu pemulihan negara agar rakyat dapat kembali hidup dengan selesa"

Tengku Zafrul  
Tengku  
Abdul Aziz,  
Menteri  
Kewangan

